

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-15863/23
Sarajevo, 08.09.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Nabavka usluge osiguranja službenih motornih vozila" u Konkurentskom postupku javne nabavke, objavljenom u Službenom glasniku BiH, br. 49/23 i Portalu javne nabavke br. 422-7-2-166-3-162/23 od 06.07.2023. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača SARAJEVO OSIGURANJE DD Sarajevo, sa ponudom od 11.081,97 KM, u predmetu javne nabavke "Nabavka usluge osiguranja službenih motornih vozila" u Konkurentskom postupku javne nabavke, objavljenom u Službenom glasniku BiH, br. 49/23 i Portalu javne nabavke br. 422-7-2-166-3-162/23 od 06.07.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Konkurentskom postupku javne nabavke o donošenju Odluke o dodjeli ugovora.

3. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – Nabavka usluge osiguranja službenih motornih vozila", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Konkurentskom postupku javne nabavke, objavljenom u Službenom glasniku BiH, br. 49/23 i Portalu javne nabavke br. 422-7-2-166-3-162/23 od 06.07.2023. godine.

Izveštajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 18.07.2023. godine, konstatovano da su zaprimljene tri ponude:

1. ASA CENTRAL OSIGURANJE DD Sarajevo, sa ponudom od 18.907,53 KM,
2. EUROHERC OSIGURANJE DD Sarajevo, sa ponudom od 13.411,18 KM,
3. SARAJEVO OSIGURANJE DD Sarajevo, sa ponudom od 11.081,97 KM.

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponuda ponuđača SARAJEVO OSIGURANJE DD Sarajevo ispunjava uslove specificirane u tenderskoj dokumentaciji, dok ponude ponuđača ASA CENTRAL OSIGURANJE DD Sarajevo i EUROHERC OSIGURANJE DD Sarajevo ne ispunjavaju uslove specificirane u tenderskoj dokumentaciji,

- Da ponuda ponuđača ASA CENTRAL OSIGURANJE DD Sarajevo ne ispunjava uslove iz tačke 3.2.1. pod 2) tenderske dokumentacije „Popunjen obrazac za cijenu ponude“, imajući u vidu da u Aneksu 3. tenderske dokumentacije nisu vršene ispravke pod stavkama 17.,29.,30. i 32. na način kako je to propisano članom 18. tačka m) Uputstva o pripremi modela tenderske dokumentacije i ponuda, "podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke", imajući u vidu da na učinjenim ispravkama nije naznačen datum izvršene ispravke.

- Da ponuda ponuđača EUROHERC OSIGURANJE DD Sarajevo ne ispunjava uslove iz tačke 3.2.1.pod 2) tenderske dokumentacije „Popunjen obrazac za cijenu ponude“, imajući u vidu da u Aneksu 3. tenderske dokumentacije „Specifikacija službenih motornih vozila Općine Novi Grad Sarajevo – Troškovi osiguranja“, pod stavkom 1. (kolona pod rednim brojem 13 ZK) nije upisana jedinična cijena u koloni označenoj kao zeleni karton, a koja se ne može mijenjati niti se smatra računskom greškom, primjenom člana 17. tačka 5) Uputstva o pripremi modela tenderske dokumentacije i ponuda „Jedinična cijena stavke se ne smatra računskom greškom“.

Shodno navedenom, ponude ponuđača ASA CENTRAL OSIGURANJE DD Sarajevo i EUROHERC OSIGURANJE DD Sarajevo su ocjenjene kao neprihvatljive, obzirom da ne ispunjavaju zahtjeve iz Tenderske dokumentacije, te se iste odbacuju, shodno članu 68. Zakona o javnim nabavkama.

Obzirom da se radi o Konkurentskom postupku javne nabavke, objavljenom u Službenom glasniku BiH, br. 49/23 i Portalu javne nabavke, broj obavještenja 422-7-2-166-3-162/23 od 06.07.2023. godine, da su dostavljene tri ponude od kojih dvije ne ispunjavaju uslove specificirane tenderskom dokumentacijom, to je na preporuku Komisije za javne nabavke roba i usluga, primjenom kriterija najniža cijena, shodno članu 64. stav 1. tačka b. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis



Općinski načelnik

mr. Senir Efendić